



21 OCT, 2020

FAMA bantu penanam nanas di Pekan Nabalu pasarkan hasil

Utusan Borneo Sabah, Malaysia

Page 1 of 2

FAMA bantu penanam nanas di Pekan Nabalu pasarkan hasil

KOTAKINABALU:Petani di kawasan Pekan Nabalu, kira-kira 73 kilometer dari sini, yang menghadapi kesukaran memasarkan hasil tanaman nanas, kini mampu menarik nafas lega apabila Lembaga Pemasaran Pertanian Persekutuan (FAMA) Sabah bersedia membantu memasarkan produk pertanian mereka.

Pengarah FAMA Sabah Ridin Wahid berkata, FAMA menerima aduan daripada kumpulan pen-

anam nanas dari kawasan Kampung Tomis Tiong Lokos, yang menghadapi masalah memasarkan nanas ketika dalam tempoh Perintah Kawalan Pergerakan Bersyarat (PKPB).

“Pihak FAMA bersama rakan strategik lain, kini sedang berusaha membantu memasarkan hasil tanaman nanas mereka ke Tawau dan sekitar Kota Kinabalu, termasuk jualan melalui Agrobazar dalam talian.

“Biasanya mereka (petani) ada perantara pasaran tetap yang berurusan dengan kumpulan petani di kawasan itu namun memandangkan dalam tempoh PKPB ini, pergerakan terbatas selain pasaran juga terhad,” katanya ketika dihubungi Bernama di sini, semalam.

Ridin berkata, kumpulan penanaman nanas itu meliputi 13 buah kampung melibatkan hampir 404 hektar keluasan tanaman.

Beliau berkata hasil tuaian nanas di kawasan itu pada masa ini, dianggarkan seberat 1,250 tan metrik dan dijangka akan mengeluarkan hasil secara berperingkat.

Dalam pada itu, Ridin berkata bekalan sayur-sayuran di negeri ini mencukupi dan aktiviti pengedaran hasil pertanian berjalan seperti biasa, namun perlu mematuhi prosedur operasi standard (SOP) yang ditetapkan. — Bernama



21 OCT, 2020

FAMA bantu penanam nanas di Pekan Nabalu pasarkan hasil

Utusan Borneo Sabah, Malaysia

Page 2 of 2

SUMMARIES

KOTA KINABALU: Petani di kawasan Pekan Nabalu, kira-kira 73 kilometer dari sini, yang menghadapi kesukaran memasarkan hasil tanaman nanas, kini mampu menarik nafas lega apabila Lembaga Pemasaran Pertanian Persekutuan (FAMA) Sabah bersedia membantu memasarkan produk pertanian mereka. Pengarah FAMA Sabah Ridin Wahid berkata, FAMA menerima aduan daripada kumpulan penanam

nanas dari kawasan Kampung Tomis Tiong Lokos, yang menghadapi masalah memasarkan nanas ketika dalam tempoh Perintah Kawalan Pergerakan Bersyarat (PKPB).